



人海記卷下

海寧查慎行海餘纂



景泰以前漕船無定數天順後定船一萬一千七百七十
五隻官軍十二萬一千五百餘員名至崇禎中額船一萬
二千一百四十三隻米四百萬石每舟正米三百三十石
每百石加耗九石八斗又月糧四十金行糧十六金。浙
江舊額二千四十六隻糧四十萬石江南舊額各衛共
四千四百五十九隻俱清江浦提舉司所造
南京貢船共百六十六隻龍衣舡不與焉又兵部馬快舡
六百隻俱供進貢

明朝民運白糧惟蘇州松江常州嘉興湖州五府有之共船五百六十七隻

成化間松江人以布餉貴近流聞禁廷下司府織造諸黃大紅真紫等色龍鳳斗牛麒麟等紋上作胥吏因緣為奸一匹有費白金百兩者孝宗在東宮深知其弊即位首罷之嘗閱內帑見之曰此布一疋文綺十足價也終身不一御自是遂絕

松江細布歲輸京十二萬三千八百六十四匹華亭亦萬五千一百匹有奇上海四萬二千七百二十四匹有奇青浦二萬三千四十匹有奇萬厰初加八十匹

弘治十一年大學士謝遷言臣祖榮任福建布政司都事例不得封乞以已得誥命移贈上並予之天啟初太子太保吏部尚書張問達言臣父某任四川眉州判官坐劾奪職臣今濰縣復冠帶不得封今乞恩命許之閣臣賜蟒服始弘治十五年十二月己巳

北京宮殿遇災凡九永樂辛丑四月庚子三殿災壬寅閏十二月戊寅乾清宮災弘治戊午十月甲戌坤寧宮災正德甲戌正月庚辰乾清宮災嘉靖辛丑四月辛酉九廟災丁巳四月丙申三殿及文武樓奉天左順右順午門災辛酉十一月辛亥萬壽宮災萬厰丙申三月乙亥乾清坤寧

宮災丁酉六月戊寅三殿災

嘉靖時祖宗御容藏永孝景神二殿

嘉靖癸丑暹羅國貢白象道斃使者以珠寶飾牙置金盤中并獻象尾

秀水朱文恪公萬曆癸未進士第一臚傳日文恪父太醫院使東山公緋服侍班。乙未以脩撰朱國祚為司經局洗馬故事鼎元無任洗馬者八月克皇太子侍班尋清理貼黃靖難功臣舊署奉天征討文恪曰文皇不得已值此奈何以同姓加征討名志改靖難每年十一月朔傳戴煖耳百官傳衣不謝傳煖耳獨謝

韓城薛相國國觀不良死坐贓五萬籍其家財六白金所

居廳事三間共室四進並世產也惟好使氣故鄉人不附朱右君述霍魯齊語

燈市舊在內城東華門外今移正陽門外靈祐宮傍至期結席舍懸燈高下聽遊人盡觀蓋京師坊巷元夕不放燈也

大內牡丹盛開神廟思以磁瓶貯之之偶江陰民有一均州瓶高數尺許欲得千金或笑之忽內官覓進上喜問價幾何奏曰二百金上諭先給百金如未肯再給五十金神宗侍皇太后最恭篤萬曆丙戌梓宮殯殿產蓮花九枝

故後稱九蓮菩薩閣臣申時行許國王錫爵皆有瑞蓮詩
明初武職多拔于勳胄後乃開保舉將材之例往往徇名
而不責實華容劉忠宣為大司空始議行武舉疏請倣唐
宋故事每遇文舉鄉試之年亦將武舉預期行移各省試
可取者送兵部會萃數目請于次年四月開科初較騎射
以發十矢中三矢以上者為合式次較步射發九矢中三
矢以上者為合式三試策二道論一篇優者列職推授若
非全材則斥而不用

元張中丞養浩歸田類藁有登憫忠閣詩自注云北三十
里為大內虞文靖作集楊襄敏碑云至元某年始大城京師

于大興故城之北中為天子之宮廟社朝市各以其位而
貴戚功臣悉受分地以為第宅然則元之大內在今地壇
之右矣當時橋李願淵白猷燕都賦寧海李洧孫有大都
賦惜皆佚不傳也

興隆寺有八景弘正間都下諸公賦詩成卷馬東田和之
復為跋尾今詢之寺僧罕有知者

北方山藥產于采育者為天下最嘗于朱竹垞檢討席間
食之真瓊糜也

大房山僧多植牡丹其色有大紅淺綠二種絕奇
宣德紙有貢箋有綿料邊有宣德五年造索馨紙印又有

白菱酒金菱五色粉菱金花五色菱五色大簾菱磁青紙
以陳清款為第一

元方輿勝覽大興府載佛寺三十八區中有海雲寺元時
有千葉杏二株名芙蓉杏傳巖起在京師築清晏堂以此
花置瓶中錢唐張叔夏見之稱其奇麗可觀江南所無巖
起索叔夏賦之為填三姝媚詞海雲寺今失其處故老茂
有知之者

出阜城門西行三里許有報恩寺又西四里靈佑觀又西
為廣福寺又西為嘉祥觀又西為元應觀八八里莊堡為
摩訶菴又西為永慶寺又西為慈壽寺又西為元福宮嘉

祥觀多松入門二株尤秀潤摩訶前殿有碑二碑文左為
鉛山費尚書案撰右為華亭孫尚書承恩撰俱嘉靖二十
七年立殿後右廂有竹一叢院中雜蒔草花堂懸萬物育
三字墨跡上用恭穆獻皇帝睿筆墜下有嘉靖年製小印
堂後松二株高出殿脊其後則中官趙政墓也元福宮建
于正德五年至天啟五年重脩中有蒼松四最奇古後殿
三清六真像皆范銅為之配殿文昌與夾侍童子亦銅像
旁鑄一騾銅質光潤絕似宣德鑿金燠爐色殿前後凡四
碑一行二為人磨去正存中書舍人袁忠學一碑崇禎元
年所立也

興勝寺去摩訶菴二里許土人目為松林今松無復存者
萬厓中所建後有藏金閣可眺西山東北有果園園中有
亭曰衆芳亭北砌石為流觴曲水其東有閣曰明遠春月
桃杏雜發登閣望之不異錦城花海也

阮大鍼降時本朝兵方下浙東儼然以福建巡撫為掌
握中物隨往南行至仙霞關暴死其僕下嶺求棺不得時
天氣炎熱三日後乃得門扉一扇募土人昇下山則尸骸
悉潰爛蟲出矣草草薄殮不知埋骨何地無子絕祀
馬士英自南都逃至紹興入方國安營既而阮大鍼亦至
本朝兵渡江士英國安走台州大鍼迎降錄用降官奉有

阮大鍼投誠獨早之旨以軍前內院隨征急招士英及方
逢年方國安等出降時唐王改元于延平士英心懷首鼠
密表通軍中消息及本朝兵下仙霞關唐王倉皇出奔
書損委棄道路貝勒于亂籍中得士英表大怒以洩漏軍
機與二方同日處斬懸其頭于黯淡灘而去時錢西碩先
生在福建親見之

南渡立國有三起案甲申十二月有僧大悲蹤跡頗異至
石城門為邏者所執詔府部科道法司會審據供稱先帝
時封齊王以崇禎十五年渡江其語似顛似狂詞連申結
芳錢謙益等于是阮大鍼楊維垣等令張孫振窮治之欲

借此以羅織清流遂造為十八羅漢五十三叅之名如徐石麟徐汧陳子龍祁彪佳等東林復社計一綱盡之孫振審詞公大悲本是神棍故作瘋顛主使實繁有徒陰提線索語多挑激王怒而王意不欲深究御史高允茲上疏解之申錢各具疏辨馬士英遂不窮其事以弘光元年三月棄大悲于市時又有童妃及北來太子二案真偽莫辨上初封德昌郡王娶黃氏早薨繼李氏再繼童氏封王妃生子不育洛陽陷逃民間與王相失太妃及童氏各依人自活太妃之南也巡按御史陳潛夫奏妃故在上不問至是自詣巡撫越其杰所具陳本末廣昌伯劉良佐以儀衛送

至都王大愠下鎮撫拷問妃在獄細書入宮月日及相離情事云以某月日城陷爭出宮妾具饌奉帕裹王頭踰牆而逃求馮可宗為之轉達王棄去勿視命屈尚忠加酷刑妃號呼詛罵尋戾死獄中或云在獄未死南京陷不知所之有言童氏周府宮人逃亂至尉氏遇王旅邸相依生一子已六歲王南奔各不相顧氏遂委身民間馬士英勸王迎入宮不聽劉良佐奏童氏實非假冒懇賜曲全王諭童氏妖婦冒朕結髮宮闈風化所關豈容闖入法司即示情節以息羣疑覽王諭但斥其冒結髮則為繼妃無疑士英據外訛傳謂逆旅生子業已六歲勸王迎致此語大妄不

思洛陽之陷在崇禎十四年辛巳正月距甲申纔四年耳安得有六歲子哉宜王之不聽也至于大悲事跡始終不明既入獄受當事意旨不得不托瘋顛意其招辭必有駭聽之語故急誅之以安反側耳不然阮大鍼方欲快心于東林豈紹芳謙益一辯疏可免士英何所畏忌勸令中止王意復何所顧惜不欲深究其中顛末朝臣固不能知也初福世子歿德昌郡王以序當立士英撫鳳陽時有以居民藏王印首者取視則福王印也詢其人云有負博進者持以質錢士英因物色之王與士英初不相識但據王印所在則以為真世子甲申國變後南都方議所立士英遽

從外擁戴福王以為己功大悲者或云齊庶宗士英之不貴窮治或止知德昌之當為福世子猶未能寔信王之果為德昌也王之不欲深究亦有自知之明耶童妃但知德昌即位故詣闕求見而不知今日之德昌非昔日之德昌也大悲但知福王世子應屬德昌而不知王之業已為德昌也童氏既下獄自言失身之婦無敢復生非望但求一覩天顏歸死掖廷夫童氏陳情愈切則天顏愈遠何不求見太妃召入永巷面訊之也童氏既不容見則大悲之灰固其所矣。烈皇帝殉國後或傳太子匿太監曹化淳家為嘉定侯周某出首或云被脅東出薨于三河所傳不一

福王稱制有少年至留都自稱故太子也時馬士英未敢云以為偽但設三疑端以迎合上意而首斥其偽者王鐸也鐸不過欲效雋不疑以自附通經足用者耳至于方拱乾辨誌面質其偽反滋人疑拱乾是時方從北來掛名從賊之案待命吳門一旦召之入都還其原官許其滯雪有不奉馬阮之意旨者乎拱乾舊為太子議官考東宮出關去乙酉無幾時豈有少年于眾中望見拱乾即指彼髯者呼為方先生而東宮面貌拱乾反不識即果其偽也一見立辨即宜叱下如雋不疑叱收偽衛太子事豈不直捷乃漫不置一語顧以講讀時瑣事為問蓋當時講官止拱乾

一人在列旁無一人為之證佐即少年所答盡是拱乾盡以為非誰從質耶及再審時置禁城圍于前指宮殿名目及帝后所御居無一差謬者士英初令大璫盧九德及舊東宮內臣于城外僻處以先帝并永定二王庚甲及宮庭制度詰之無不熟悉于是鞫問計窮楊維垣乃颺言于朝曰駙馬都尉王昺姪孫王之明貌類太子固志宮中事士英以其言入奏從此遂稱為王之明維垣以逆案廢錮十七年宮闈親密何由知悉而此說獨出於其口聞維垣颺言時亦祇係揣度之詞後遂據為定案時江督袁繼咸楚撫何騰蛟皆有疏力爭王雖曉諭再三人不見信也本

朝兵下南都豫王命少年坐聖安上攜以北去不知存亡
桐城錢飲光先生熟于南渡後事余嘗詢之先生云大悲
本末不可知而決為中州之郡王也童妃出身不可考而
決為德昌之故妃也少年之為東宮不可信而信其決非
王之明也先生有傳疑詩三首載田間集中
廷杖之制最損國體然成化間言官受杖者許用綿底衣
蓋其下體故杖而不傷其膚第撻之于朝而已不欲死之
也自正德時劉瑾用事始去衣自後少杖者多不免矣弘
治以前詔獄之旨惟叛逆妖言強盜則云好生打着問喇
虎殺人則云打着問其餘常犯送鎮撫司問鎮撫奏送法

司議罪中間情罪重者始有來說之旨部寺覆奏始有降
謂之旨至嘉靖中一槩打問無復低昂林貞肅公俊致仕
後曾建白此事世廟下其章所司竟不行當時首被其禍
者先京兆也

劉文靖健以程臺墩敏政短其不能詩銜之釀成廷鞠之
獄李文達賢之嘆葉文莊盛也亦以疵其詩文之故二公
賢相也其器量狹小乃爾

顧東江楹帖云才美如周公旦著不得半點驕事親若曾
子輿纔成得一箇可

宋朝舊制殿試皆有點落臨時取旨或三人取一或二人

取一或三人取二故有累經省試取中屢見擯于殿試試者張元遂以積愆降元昊為中國大患于是羣臣建議歸罪于殿試斥落嘉祐二年三月辛巳詔進士與殿試者皆不黜落迄今永為定例

相傳明制自翰林出身始謚為文細考之亦不盡然曾榮襄榮馬襄敏愉俱廷試第一入內翰而不謚文魏文靖驥吳文恪訥葉文莊盛鄒文敏濟儲文懿權邵文莊賈楊文恪蕭姚文敏燮王文莊鴻儒何文肅喬新非翰林而皆得謚文疑此例當定于隆萬以後
明初文臣無謚劉文成基宋文憲 濂宋文恪訥朱文恪善

咸請之康陵王忠文 禕請之裕陵姚廣孝之謚恭靖胡廣

之謚文穆則自永樂年始

李林甫之奸竟得善終乃于身後屢被天譴元和惠州

一娼震死朱書其脇曰李林甫宋紹興中漢陽蔡氏女被

雷震死亦有文曰唐相李林甫明洪武間吳山陸允誠家

烹雞而雞背有李林甫三字宛然蓋已墮畜生道矣 續問

奇類林

粵西七星巖洞壁上舊刻元祐黨籍姓名明弘正間聞有

欲琢去者時巡按某公謂不若留示千古至今尚存

康熙三十年 御書清慎勤三字編賜中外衙門按呂舍

人官箴當官之法有三曰清曰慎曰勤其言出王隱晉書
又李康荅馬文正之問有曰為官長當慎當清當勤修此
三者何患不治云

正德朝議欲起三原王端毅公恕汝南強景明寄詩云八
十者年二品官歸來清節雪霜寒雖然海內歸心在可奈
君前下拜難鷗鷺思疑成鳳起風雲長護老龍蟠三公事
業三槐傳留取完名久遠看公得詩竟不起。又李文正
東陽富國日久有士人投詩云才名真與斗山齊伴食中
書日已西回首湘江春草綠鷓鴣啼罷子規啼公得詩一
笑而已

弘治朝張少泰子醇繼孟嘗言作人須要有趣對俗人嗒
焉一語遇學士大人有道術者與之談說名理揚權風雅
娓娓不倦令人洒然不能遽別一時前輩如西涯相國蒲
汀尚書皆海內重望每聯輿過訪張或留坐所共脫粟之
飯間出蔬果杯酒三五巡即止諸老自公第出輒相謂曰
吾儕遇張子醇一飯勝陪別家盛筵矣

正德中韓尚書文欲攻劉瑾屬李夢陽具奏草謂之曰毋
文文覽勿省也毋多覽弗竟也此言極中入告之款
建文二年廷試擢王良狀元嫌其貌寢抑置第二而以胡
廣易之及靖難師至京廣與翰林周公是脩先期約同死

周既自經胡負約與金幼孜解縉等迎降良後竟死節若
廣所謂有媿科名者也

明末華亭有嫠婦棄其孤兒再嫁富室又生一子及其死
也前夫之子爭葬之質之縣令縣令判其尾曰生前再醮
已無戀子之心死後歸墳難見先夫之面

先京兆公在諫垣以糾分宜謫官分宜敗後起官歷文選
正郎在吏部凡三掌大計嘗貽書與廬州公曰吾掌選九
年未嘗修怨報復一人為汝等也親筆書余不及見先君
子嘗為小子言之

鄭端簡公曉官文選時里中仕宦有媿金首飾者承以篚

而覆茗其上公直以為茗也受之其夫人手撥茗知之面
頸發赤亟傳柝請公入以語公公不動聲色第令覆茗如
初徐出名其人還謂曰吾初以家適之茗故拜君惠頃入
內詢之家尚有餘茗心謝尊意不敢當也遂令持歸

董大叅朴成進士後差過華容時劉忠宣公大夏宅憂在
里造謁焉忠宣留之飯飯麥糲饌惟糟蝦一器董感省終
身持雅操

明武宗御祭元輔靳文康貴文朕在東宮先生為饌朕登
九五先生為輔朕今南巡先生已矣嗚呼哀哉語簡而意
備按裴晉公自為誌銘云裴子為子之道備存于家牒為

臣之道備存乎國史體裁略同

洪武舊制內侍不許讀書識字至宣德朝始以翰林官教讀內侍監其後司禮遂有秉筆太監一代弊政寔宣廟啟之也

今州縣戒石銘爾俸爾祿民膏民脂下民易虐上天難欺四語乃宋太宗書以賜郡國立於廳事之南按成都人景渙所著野人間話其首篇載蜀主孟昶為文頌諸邑云朕念赤子旰食宵衣言之令長撫養惠綏政存三異道在七絲驅雞為理留犢為規寬猛得所風俗可移無令侵削無使瘡痍下民易虐上天難欺賦輿是切軍國是資朕之賞

罰固不踰時爾俸爾祿民膏民脂為民父母莫不仁慈勉爾為戒深體朕思凡二十四句

明世宗初憲華亭刻石南雍曰徐階小人永不叙用後分宜得罪徐遂大用直至首揆眷注極寵渥石刻之言殆忘之矣

弘治五年吾浙鄉榜胡世寧孫燧王守仁三人同舉是年場中見三巨人後宸濠之變胡發其奸孫以巡撫死難平其亂者文成也三忠臣共成一事豈非前定因記宋寶祐年登科錄第一甲第一名文天祥字宋瑞小名雲孫小字從龍年二十第二甲一名謝枋得字君直小名鍾小字君

和年三十第二甲二十七名陸秀夫字君實年十九是楊
三忠臣死宋事皆少年尤奇

天子為臣下作碑者唐太宗為魏徵高宗為李勣玄宗為
張說德宗為段秀實宋太宗為趙普仁宗為李用和神宗
為韓琦明太祖為徐達太宗為姚廣孝孝宗為張鑾

六部司屬皆書本部而都察院各道則直書道銜而不繫
于院初謂各道得自彈事于院不相關白也按歐陽公歸
田錄云御史臺故事三院御史言事必先白中丞殆非唐
故事劉子儀為中丞始榜臺中今後御史有言不必先白
中丞考唐時李承嘉為諸史大夫召諸御史責曰近日御

史言事不咨大夫禮乎蕭至忠答曰故事臺中無長官御
史人君耳目比肩事主得自彈事不相關白若先白大夫
而許彈事如彈大夫不知當白誰也乎李無以屈今之御
史條陳事宜無不承總憲風旨者失立官初意矣

左寧南初畏流寇張獻忠之鋒避居九江遊擊胡以寧鎗
致之遂住軍關廂一年巡道葉士彥以大義諷之仍返武
昌乙酉南京立國監軍御史黃澍與馬士英構隙偽傳邸
報藏太子詔召良玉入清君側澍從史之遂挾楚督袁繼
咸自武昌東下三月二十七日至九江繼咸標將郝二所
統與左營相連四月初四日大肆焚掠良玉氣塞而死

常熟楊子常家富于財初無文采而好交結文士與太倉顧麟士婁東二張友善以此有名諸生間初與同志數人為應社其後二張名驟盛交益廣乃改名復社弘獎風流幾奔走天下而與楊頌之交始終不渝前輩之厚道如此楊琳者四川人舊以小吏給事張獻忠左右本朝順治末年隨孫可望降初授太倉州判陞吾浙臨安知縣嘗與人言獻忠破開封獲福王醢其肉雜鹿肉煮之以分餉將士名為福祿羹

萬厯中無錫葉工部茂才參之權闕蕪湖已事上羨金數千奏日久旱而得通故有羨金請不為例且進羨非臣志

也神宗賜白金松布以旌之後官至南少司空

衛與殿之設皆起永樂中其時事權盡歸閣部間有所監督收考則付之殿衛後二百年閣與殿衛之勢漸分至天啟而大變閣與衛皆殿之私人衛附殿以尊而閣又附衛以重清流之禍慘然為前古所無本朝順治初年議復設殿衛北平張國獻時為垣中上疏極論其弊事乃寢真定梁相國云

安慶設巡撫起于崇禎初年用歸安沈司寇演之議也天啓三年遼東失守吳門申司馬用樾時為南太常上言請建四輔以鞏神京東南建城于通州高米店之間為左輔

西南建城于良鄉蘆溝之間為右輔西北建城于鞏華城
功德寺之間為右輔東北建城于密雲順義之間為左輔
若敵由東北入左輔出兵以扼其衝而右輔從左左輔從
右各出兵夾擊如假道三衛右輔出兵以扼其後而左輔
從左右輔從右各分兵追襲如直薄都城下則京營堅壁
合守無輕出擊四輔各設長圍以坐困之疏上不報
王元翰滇之臨安人以萬厯辛丑舉進士時四明當國喜
王之出其門而王之心弗與也由庶吉士出為工科給事
中抗章首劾四明次及紹興晉江以漸除其衣鉢三公皆
相繼引去其黨喉御史鄭繼芳發難報復糾王巡視廠庫

姦贓以鉅萬計王盡出其篋行舛置國門縱吏士簡括罄
身辭去漂泊東南不得還滇崇禎癸酉七月死于南都客
舍貧無以為殮寃狀始白

明制翰林典試初無迴避本省之例嘉靖癸卯無錫華子
潛察以編脩為江南主考是科瞿文懿以易經中式後三
年丙子典江南試者即瞿也至辛酉江南鄉試無錫吳編
脩情為主考同邑得雋者共十三人物議沸騰為言路所
劾于是始定例本省人不得為主考載錢吉士同文錄批
語中

葉赫國始祖係蒙古人姓土默特初滅扈倫國所居張地

地之納喇部一作納蘭遂據其地因姓納喇後遷于葉赫河
建國始祖名星振達爾漢生子席爾克明噶圖席爾克明
噶圖生齊爾噶尼齊爾噶尼生褚孔格褚孔格生太梓太
杵生二子一清家砮一楊家砮兄弟各居一城哈達爾人
多味之兄弟遂皆稱貝勒萬曆十二年甲申寧遠伯李成
梁以賜勅賞賚為名誘清家砮兄弟至開原繫漢壽亭侯
廟中並從兵三百皆殺之清家砮之子曰寨布為輔臣蘇
克薩哈之祖楊家砮二子長名納林布祿其弟金台石相
繼為貝勒即今相國明珠之祖也與滿洲世為婚姻後滿
洲強盛始為屬國

蒙古土語呼白為察漢頭為托羅海一為千七漢木為母
東自宣府西至喀爾喀所經之地有白頭一木兩地名
康熙癸酉五月上違豫京師為脩齋禳禱之會初自諸
王滿洲大臣行之既而漢中堂九卿下至五城司坊大小
臣工富商大賈莫不效尤或三晝夜或七晝夜或九晝夜
各于就近寺觀設壇焚青詞以禱皇城內外緇素黃冠奔
走道路日不暇給自五月一十二日起至六月終乃止
吏部選郎例從本部歷俸而至故副郎主事率皆後輩康
熙二十四年六月德清談未菴以事奉特旨選用五部
進士出身者秀水袁靜公由戶部正郎調掌選在衙門為

後進未到任前投同司副郎主事帖俱稱晚生亦變局也
永樂初北京四門鐘鼓樓等處各蓋鋪房店房召民居住
召商居貨總謂之廊房視衝僻分三等納鈔若干貫洪武
錢若干文選廊房內住民之有力者一人僉為廊頭詐應
納錢鈔斂銀收買本色解內府天財庫交納以備宴賞支
用今正陽門外廊房衚衕猶仍此名

明朝有宮莊屬慈慶慈寧乾清三宮取歷朝以來各府州
縣沒官田地子粒征銀濟邊而以其餘繫之進宮項下備
給賞之用謂之三宮子粒著為令甲刊之上供正額沈榜
宛署雜記

東安門外稍北有禮儀房乃選養奶口以候內廷宣召之
所一曰奶子府隸錦衣衛其制每季精選各里良家婦年
十五以上二十以下四十名養之內曰坐季奶口別選八
十名籍于官曰點卯奶口季終則更之每遇不時宣取則
就中選一人易高髻新衣如宮粧以進產男用乳女者產
女用乳男者後來夙戒奶口內不稱旨臨時多別選城市
婦人以應有雇值之費打點之費上納之費而奶子遂為
一奇貨矣幸一見留則終其身事所乳得沾恩澤無復出
理其食報特隆云 宛署雜記

明朝藉田之禮先期一月順天府行宛平大興兩縣選集

老人年高有行者數十人于本府候氣堂後隨班習儀預備牛犁穀種及耕斂器具良民二百餘人于地壇內搭蓋耕棚方廣五十餘步土取羅細數次覆黃土其上至期教坊司粧扮優人為風雲雷雨地土等神小伶為村庄男婦播鼗鼓唱太平歌兩縣民執農具各列籍田左右駕至右手執鞭左手執金龍犁稍前導駕二員牽牛老人二扶犁老人二執箕桶老人二夾駕左右名幫耜臣凡往迴者三駕升望御臺御座公卿以次親耕耕畢順天府治中通判推官各攜穀種箱一徧地上老人牽牛覆土為耕種狀小伶百餘衣田家男女服奉五穀以進駕回齋堂受賀畢宴

三品以上官賜耆老及農民各饅頭二個肉二斤隨駕官民各執農具從至午門復賞老人各布二疋農夫各布一疋

宛署雜記

棋炒。嘉靖三十年戶部行宛大二縣領太倉銀三千散給各燒餅鋪戶每銀一兩上棋炒一石其法用白麵少和香油芝麻為薄餅斷為棋子塊樣炒熟上部送至行軍處所支用

宛署雜記

明朝有女轎夫林鳳姜王氏等一百九十三戶查原籍福建閩侯懷三縣人于洪武中撥送南京應當女戶永樂間隨駕北都專供大駕婚禮選妃及親王各公主婚配應用

給與優免下帖令其男子在外供給免其雜差天順間各戶消乏苦扯五城及宛平縣會同僉補嘉靖三十一年止存八戶人題僉楚相妻王氏一百餘名補足末年楚相等陸續改撥錦衣校尉萬麻中復行僉補不許彙緣改撥宛署雜記

蓼戶。明制宛平縣額辦酒酤局杏仁十一石五斗包麩紙三萬張蓼牙二萬斤杏仁紙招商市買原有額價惟蓼牙係土產之物而法又必取鮮者以是向不議價止于鋪行銀內定腳價七兩責令近城居民數家依時采進謂之蓼戶城進園丁計畦領錢彼此相幫一家出名百家共貼

其後歲令舊蓼戶報添二十石一經報名各不相貼小民甚以為苦萬曆十九年內按院劉某訪知前弊行縣每草一斤議價二釐五毫召商辦進以前蓼戶并雜費名色盡行革除著為定額民困一甦

皇城内牆外曰內紅鋪明朝隸五府勳臣掌管巡邏凡有倒卧及縊溺尸骸謂題隨馬錦衣衛官一員行據宛大二縣官相驗具印結奏請定奪謂之駕相稍涉疑似必送法司蓋以防內臣壅蔽故以耳目寄守土官也至正德末劉瑾用事權歸內衛兩縣惟持空印結臨事填之是否虛實法司卒不與聞非若外郡縣三覆檢平之廷尉亭讞疑法

豈外檢供可疑而駕相可不疑耶豈在外者多斃于人而在內者俱自斃耶于立法初意不能無悖矣宛署雜記
明朝大臣賜第京師者胡忠安在麻繩衚衕李文正在灰廠小巷李閣老衚衕張文忠在五顯廟前張閣老衚衕李文達在東邊王府街

景泰初開講筵每講畢命中官布金錢于地令講官拾之以為恩典時高穀年六十餘俯拾不便無所得此載蔣一葵長安客話按宣德中李時勉為侍講學士一日上懷金錢至史館撒之于地令諸官拾取時勉獨正立乃呼至上前賜以袖中金錢則其事不始于景泰朝矣

翰林院門左右飛沙積歲高與墻齊明世廟中掌院某嘗令除去官僚罷謫幾空未幾沙還積如故或以為形勝宜爾長安客話

明初六科在午門內與尚寶司相連今猶稱六科廊後因失火遷午門外長安客話

工部有銅匱四高可過人光祿寺有鐵梨木酒榨每榨用米二十石得汁百甕云是明初籍沒沈萬三家物
明太醫院例于端陽日差官至南海子捕蝦蟇擠酥以合藥製紫金錠有御醫某者張大其事鼓吹旂幡喧闐以往或嘲以詩曰料撒威風出鳳城喧喧鼓吹擁霓旌穿林被

莽如燒虎捉得蝦蟆剜眼睛

明朝祖孫父子三代為尚書者惟福州林氏一家林瀚南
京兵部尚書瀚子庭機南禮部尚書庭機子燠亦南禮部
尚書

胡忠安公淡為禮部尚書自宣德丁未至景泰甲戌凡十
為會試知貢舉官

新舉人朝見著青衫不著襴衫開始于宣宗朝謂其異于
歲貢生耳及其下第送國子監則仍著襴衫蓋國學自有
成規也

明制各邊軍士從戰身荷鎖甲戰裙遮臂等具重四十五
斤鐵盔鐵腦蓋重七斤頓頂護心鐵脇重五斤弓撒箭袋
重十斤腰刀三斤半蒺藜骨朵重三斤箭筒一斤通計共
八十四斤半

曹文惠公鼎初為教官不樂願為繁劇一職改泰和典史
進學不倦復脩學子業遂發進士及第入經筵尋入閣與
政士林榮之

明孝陵即梁名僧寶誌瘞所傍有八功德水誠意伯奏改
葬之乃見二大岳對合啟之誌公端坐于內髮披體指爪
繞腰矣瘞既遷水亦隨往太祖異焉勅建靈谷寺賜之莊
田甚廣仍迎其像建塔居之命太常歲祭

董穀碧
里雜存

成祖靖難後于都城四達之衢必建一聽經樓每夜令僧於上誦講經義俾臣民席地靜聽之既遷都百年後舊制盡失尚存其一于北門橋與十廟相近嘉靖初僧復新之人莫知為聽經樓之故址也

明初生員惟有廩膳增廣廩膳有額增無額成化中京師語曰和尚普度秀才拘數嚴陵姚夔時為禮部尚書奏請故附學立焉

唐時議謚之法無爵者稱子若蘊德邱園聲實明著雖無官亦奏聞賜謚曰先生然亦有門生故舊私為立謚者如孟郊稱貞曜先生之類是也後世三品以上乃得謚號而

無爵之謚遂絕

唐制公卿皆摺笏于帶而後乘馬張九齡獨使人持之因設笏囊自九齡始明朝公卿多肩輿四品以下始乘馬惟南京與外方面官迎詔送表時皆朝服乘馬有摺笏于帶者有手自持者有人為持者以意自便無所謂故事

晉漢唐巾乃儒者之冠明興科甲監儒兼而用之不在此列者皆安分不敢借用後來風俗僭侈平人以小帽為恥或一人僥倖科第宗族姻親盡換儒巾曰蔭襲故談有滿城文運轉遍地是方巾之語

永樂中禁中有剪柳之戲即射柳也元人以鷓鴣貼葫蘆

中懸之柳上彎弓射之矢中葫蘆鵠飛去以飛之高下為勝負往往會于清明端陽周賓所識小編

明制殿試在三月朔日成化八年以悼恭太子發引改于十五日後因之本朝因今上萬壽節在十八日復改期于後

相城劉浩性好促織嘗出婁門見水濱一大蜂以身就泥

中展轉數四起集敗荷葉上俄化為促織健而善鬪所當

無不勝者見陸燦庚已編而物類相感不載

仁和郎瑛所著名續已編內一段云福建布政朱彰景泰

初謫陝西莊浪駙丞有西蕃使臣入貢一猫道經于駙彰

館之問猫有何異使臣云向夕請試之以猫盛罩于鐵籠

納空屋中明日起視有數十鼠伏籠外盡死蓋猫王也使

臣又云此猫所在雖數里外鼠皆來伏

大同初叛之歲失總兵官所佩征西前將軍印職方請給

新印鄭端簡公時為主事白郎中總兵印文柳葉篆請改

印文或稱別將軍或增減其字恐原印在叛軍處有事時

行文奏報真偽不可辨誤事非小往年胡忠安公在禮部

失行禮部之印改鑄行禮部印在內衙門尚然况邊鎮兵

權又反側不靖時乎郎中不以為然

外戚封公自嘉靖中張鶴齡始駙馬無封侯者灤城富陽

永春西寧皆以軍功封惟永康公主駙馬崔元以迎立世廟封景山侯

五月五日賜文武官走驃騎于後苑其制一人執旂引于前二人馳馬繼出呈藝于馬上或上或下或左或右騰擲躡捷人馬相得如此者數百騎後乃為胡服臂鷹走犬圍獵狀終場俗名曰走解音鞞而不知所自始豈金元之舊俗歟今每歲一舉蓋以訓武也觀畢賜宴而回彭時筆記六科皆稱內府不詳所自偶閱吳人陸鈇漫記謂光祿寺及六科皆內府衙門東直門外二十馬房收草料每一房用太監三人每草一

萬用銀二十兩其馬數不許查理亦曾有人進本乞查馬數發問充軍。通州秋青草自正統十四年積草為敵所焚自後令天津八衛打秋青草遂為例陸鈇漫記

兵部尚書鄺野一日向恭順侯吳某取五軍軍數吳以上聞鄺走謝之以軍數非外人所預知此祖制也陸鈇漫記

太子冠禮凡三加初折上巾二遠遊冠三九旒冕陸鈇漫記

明進士賜瓊林宴盡席上七盃水南翰記

水南翰記內諸司舍屋惟秘閣最宏壯閣下穹窿高敞謂之水天

永樂辛丑北京大內新成勅翰林院凡南內文淵閣所藏

古今書籍各取一部送至北京餘收貯封識如故時脩撰
陳循如數取進得一百櫃督舟載以至京至正統己巳南
向災文淵閣向所藏書悉為灰燼姚福青
元時有只孫衣周伯琦詐馬行序曰華元一色衣也周憲
王元宮詞健兒千隊足如飛隨從南郊露未晞鼓吹聲中
春日曉御前咸着只孫衣吳郡皇甫庸近峰聞略云元親
王及功臣侍宴者別賜冠衣謂之只孫今議從所服團花
只孫當是也按元史世祖本紀只作質
劉瑾用事時百官門狀啟禮悉用紅紙京師紙價十數倍
雖元臣宿將必自稱晚生及門下生近峰聞略

宋制科先命從官各舉平生所為文五千篇於學士院中
選而後召試明弘治癸丑以前凡選庶吉士必先期呈所
為文于內閣謂之投獻猶有宋制科遺意後廢不用近峰
聞略

明朝年號犯前代者涼張重華五代蠻張遇賢宋方臘皆
稱永樂元武宗太子阿速急八即位改元天順宋夏主李
乾順稱正德正德改元詔下馬冢宰試選人題曰宰相須
用讀書人論蓋用宋太祖事譏內閣也

太祖于後湖中築一臺藏天下兵冊避火災也築屢潰乃
命囊所誅髑髏為基臺即就此洪武三年事也徐禎卿剪

勝野聞

京師稱謂極尊者曰老先生自內閣以至大小九卿皆然門生稱座主亦不過老先生而已至分宜當國而諛者曰衆甚者稱夫子此後門生稱座主俱曰老師又有無故而稱老師者不可勝記觚不觚錄

六年一京察乃成化以後定例至于考察科道則或以輔臣去任而及其黨者惟嘉靖丙辰因星變命輔臣李本呂即本掌部事悉取六部九卿自尚書至尚寶丞及六科十三道分別去留之蓋分宜借此伸其恩怨也隆慶四年有旨命吏部高拱考察科道官高請與都察院同事大者削小者謫其後高雖敗而斥者不復用

左右春坊中允入閣門內揖出用雙導贊善亦然而翰林侍讀侍講品故同中允然以本院屬官故揖則中庭出則單導獨至脩書講筵主兩京試則皆講讀先而中允後此衙門故事也明萬曆己卯南京鄉試忽以中允高啓愚先而羅萬化後成法為之一變本朝各省鄉試翰林科員同差者必翰林官為正而科員副之康熙甲子陝西鄉試江都許承宣以工科為正主考錢塘汪霽以編脩為副亦一時變例也

分宜當國家人永年專為世蕃過錢署號曰鶴坡江陵當國而家人子游七司其出納署號曰楚濱一時士大夫無

不稱霍坡楚濱者 觚不觚錄

私鹽之禁至今日嚴密極矣嘗記宋時漕運自荆湖南北
米至真揚交卸舟人皆市私鹽以歸每得厚利故舟人以
船為家一有損漏旋即補葺久而不壞運道亦通明文皇
嘗謂侍從曰篙工柁師有少販鬻但無妨公不必究問其
寬大如此今之盤詰私鹽者糧艘亦在不免犯者無論運
官運丁一體治罪又加以關吏之權征真無纖毫餘利以
惠困乏宜其計無復之侵蝕官米也
明朝開科始洪武三年而定條例自十七年始先是試文
尚仍元制二十一年始刻程文先是止錄姓名鄉貫試錄

定式自二十四年始 陳鼎湧志

正德戊辰廷試二甲三甲一名各刊策丁丑會試五經各
刊文三篇皆異常格

許襄毅公進成化中以御史丁憂起復上京惟乘馬其配
高夫人素病眩暈不能御車亦騎而從竟不索轎時仲子
司徒諧方在襁褓叔子少傅讚娠在腹而司馬論則其季
也

分宜當國時有一檢討家居十九年既至與分宜抗禮上
坐用侍生白單帖分宜亦不為異蓋衙門稱晚生惟七科
前輩不論入閣與否又新進者于掌院學士稱晚生避馬

殿試臚唱畢禮部堂上官捧黃榜鼓吹導出大清門一甲三人隨之餘進士則仍自兩旁門出此定制也康熙庚辰科閣臣孝感沁水以本科會試總裁復充殿試讀卷官榜眼李愈探花王露皆其禮闈所取前列士對策書法大不滿上意是日捧榜止用禮部司官而一甲三人俱不敢由中門出此後遂相沿不變矣

康熙庚辰二月禮闈舉子場事已竣方鎖闈閱卷二十日夜明遠樓上忽有啼聲視之乃一初生嬰女不知所自來外簾官相顧愕眙以其事近怪不敢上聞越二日進呈五

魁卷隨令一役送此女置育嬰堂中明日有人抱之以去後余至育嬰堂親問李老人果有此事亦人妖也

庚辰四月十七早東直門已啟鑰而門扇牢合不可開若有物錮之者自卯達申內外出入不通壅擠者數千人司門兵役奔告九門提督以羊豕致祭戶樞旋開已近黃昏矣

庚辰五月初十以後太白經天在張翼二星之間日斜乃見非晝見也

自鄭州至雄州一帶春夏之交雨水泛濫行者病涉恒以為苦按蘇子由使契丹時有贈知雄州王崇極詩首章云

趙北燕南古戰場何年千里作方塘烟波坐覺胡騎遠皮幣遙知國計長又云城裡都無一十間城頭野水四汗漫與君但對湖光飲多病偏須酒令寬則北宋時此地已為澤國當時引淀灤諸水以限戎馬之足遂成巨浸積漸使然也

本朝禁中宮殿門名大概仍明之舊與酌中志所載略同乾清門之內為乾清宮宮之東曰昭仁殿西曰弘德殿東宮及諸王讀書之所一在門之東曰東書房一在門之西曰西書房皆北向翰林院直廬曰南書房與西書房纔隔一垣循西廊稍北曰翻書房在月華門之南月華門北曰

懋勤殿乾清宮正北曰交泰殿交泰正北曰坤寧宮宮有東西二煖殿坤寧宮直北曰欽安殿又北為御花園神武門自昭仁弘德而北兩翼相比者東曰延禧宮承乾宮景陽宮景仁宮長春宮鍾粹宮西曰翊坤宮永和宮咸福宮永壽宮智祥宮儲秀宮御茶房在乾清宮東北御書房古董房俱在景陽宮內敬事房在景仁宮內中正殿在長春宮之西又西為咸安宮天穹殿在景陽宮之東以上皆宮門之內乾清門之東曰內左門西曰內右門北下東向者曰日精門昭華門基化門景和門近光左門西向者曰月華門端則門隆福門近光右門月華門之外曰隆宗門門之西曰

太監學西洋醫太監畫匠太監烏鎊太監養心殿露房
二太監學西首領六太監鷹上首領九太監大狗房首領二太監
三太監房首領六太監花園在欽安殿後首領三太監北小
子房首領五太監御花園在欽安殿後首領三太監北小
後首領二天穹殿在景陽宮東首領二中正殿在長春宮
西首領七欽安殿首領二熟火房首領四柴炭所首領
監首領十燒炕首領二北祥所在神武門內首領二書房
四遇喜處首領二所內總管首領九永安亭首領十南薰殿
南府西路首領三南府中路在瀛台南首領三南薰殿
在內西華門內首領五咸安宮首領二慈寧宮首領佛堂
十一太監六管門首領二太監十花團首領二慈寧宮首領佛堂
十一太監六管門首領二太監十花團首領二慈寧宮首領佛堂

首領二打寧壽宮在毓慶宮東太監查數毓慶宮殿上首領
十首領鷹上首領十一太監執事首領二上首領十一太監
房首領一太監一太監一太監一太監一太監一太監一太監
領二打掃首領一太監一太監一太監一太監一太監一太監
五打掃首領一太監一太監一太監一太監一太監一太監
十四阿哥下太監十五阿哥下太監十六阿哥下太監東
庫房阿哥下太監西庫房阿哥下太監
三月初旬榆莢方生時官厨乘供御饌或和以粉或以
麵內直詞臣每蒙賜食余有詩紀之
湯山在昌平州東南山下有湯泉行宮在山之東跨東
為浴池癸未五月隨駕駐此偶閱曹能始名勝志云温
泉出昌平西北二十五里之湯峪初疑志訛是日作詩因

詳注此段進呈明日 上賜御札云此湯非舊有康熙二

三年間輔臣時人始知之病者浴此甚有益昌平州西北

湯峪之泉故在非志訛也 御札隨繳進謹錄于右以見

皇上之精于考證如此

古北口外有老樹根為沙水浸潤歲久發光以刀削去薄

皮肌理瑩徹大者合抱小如臂指皆透明如琉璃水精夜

置暗室中照見細字因呼為夜光木菜幸月後濕氣漸乾光

亦漸滅成枯槁矣真物理之莫解者此樹不知何名

猴頭蘑菇產鞍子嶺附近山中大者一枚重斤許味厚如

榆肉而鮮美過之元楊允孚灤京詩更說而麗生菜美總

輸山後蘑菇香自注云尖山產蘑菇按元之灤京去此不

遠物產正同又有一種生牛馬糞堆者名沙菌亦可采食

但形味差薄耳

山中有野杏樹枝幹多被野燒所焚其根堅韌入土不爛

有花紋而香以為筆架及小香几玲瓏可愛御前俱斷用

之余受 賜者用作小架鏡名之曰蟠木

去熱河九十里入蒙古科爾沁界其地有湯泉 上坐湯

回諭諸臣云朕坐湯凡二十二處所至必令西洋人以銀

盆盛水重湯煎之俟水乾驗盆底或硫或硝或礬或砂各

各不同至其舒筋骨和血脉則一也

蒙古阿巴海部落地名充俄里有泡子河產天然鹽鹽生水中如層冰厚四五寸許鑿取成磚不事煎熬而可食其味較中國食鹽稍澹又有產於高山者彌望如雪人跡不能到則用強弓仰射取之又產精鐵色如白銀今上用烏第皆采此鐵製造往聞明季嚴禁關口不得出鹽鐵等物謂可坐困外國豈知彼中物產固自不乏耶

口外避暑行宮

皇上取樸素之義命曰山莊自兩間房

起次鞍子嶺次黃甲營次樺榆溝

相近有釣魚台亦次喀

喇火屯蒙古云喀喇譯云黑色其地本名黑城亦云烏城

次上營子一名熱河次藍旂營次波羅火屯一名黃姑莊

其地與蒙古四子部落相近次唐山營凡九處宮殿之制繪圖如一惟喀喇火屯地形寬衍溪山尤勝行宮之後復創苑囿黃甲營向係腰站殿宇無多駐蹕歲不過一宿而已

塞山有毒草中人肌膚毒甚蜂蠆自唐山營踰汗鐵木嶺而外徧地有之俗名蠟子草蘆蒿四五尺葉如麻嫩時可供馬秣經霜則痒螫不可觸

椴樹葉與烏桕相似而大如團扇有鉅齒初生時可煨餅

餌蒸食霜後鮮赤若丹楓然耀若谷其皮柔韌如麻皮烏

喇之人采以治繩作魚網入水不濡又可為烏鎗火繩中

國所無也按本草人參條下所載椴木音賈而此音斷不
同

細鱗魚產灤河中旁近溪澗多有之重唇鱗如魴中有黑
班大者一頭重斤許味極鮮腴又有柘綠魚味與細鱗畧
同而形差小又有柳浪魚長不過二三寸入釣最多竿不
虛舉此魚族聚緩流中好食柳眼故名

駱駝有紫色白色兩種蒙古與中國貿易騰健者每頭值
價二三十金以其卧而斲草腹不貼地故曰明駝
行圍駐蹕之所擇地勢平行者刈草剝土測景面正南中
立帳殿外設幔城以黃布為之開東西南三門幔城外內

面又設網城一重羽林周廬環繞網城之外相去率百餘
步惟內廷扈從詞臣設帳房于南門三十步內以便不時
宣喚也

烏喇柰山果也一名毆李叢生樸檉間紅如珊瑚比櫻桃
而大味甘微酢蜜浸可以致遠蒙古諸山處處有之

玲瓏山溝口蒙古名為生濟圖大羅昂阿有水不詳其名
源自白旗營流下塞外諸川此為最大商人伐巨松成段
散置斯干遇暴雨水漲則順流而出以道里揆之當亦達
于灤河從永平南入關者

雍安嶺塞外諸山最高處嶺上多白沙故名其山東連長

白西界五臺嶺下為東四旗舊營外即蒙古克什黑屯部落北去百餘里直走旱海矣或云此嶺之北即陰山恐未必然嶺下喬松挿天不計其數葉短而勁八月杪被霜寒落與凡材無異名落葉松蓋茲山下臨沙漠朔氣高寒宜無不凋之木也

黃羊興安嶺上獨石口一帶草中有之高三尺餘背毛淺黃色腹下白百十為羣每合圍遙望拍拍如鷺鴨所得以千計有耳無角尾似麀聲似麀本鹿類而以羊名之本草謂黃羊狀與羊同腹下帶黃色者猶未得其真也虎有威骨長寸餘在脇兩旁肉中不附筋骨初生時骨平

如一字年深則曲而為乙字其力始猛所謂虎挾乙也東宮行圍時曾以一枚見賜後以與李氏外孫女云可辟邪野猪毛深黑色高五六尺長八九尺絕有力上下四牙長出口外人莫敢攖弓矢不能勝利用火攻味之美尤在皮行厨以供上膳非拜賜不得食熊之力大于虎倚樹而立獵者不敢近必先以拍擦之俟其出林然後人力有所施鎗箭競如其計無復之則騰身上喬木之杪拗樹枝以擲人人以火器仰攻力盡乃墮有猪熊人熊馬熊樹熊石熊之別余所見者乃石熊也本草云背上脂為熊白味甚美不知腹中之腴拌糖霜皆可生

食也

大凡打圍惟在得鹿他如豺狼狐狸諸獸圍未合時往往多竄出者鹿之類不一十麀麋中纔得一鹿十牝鹿中纔得一牡鹿牝無角而牡有角老鹿之角有長至丈許者此為絕有力箭已洞宵貫腹負痛疾馳尚能踰險越阻行數十里乃斃白露後秋分前極肥過此漸羸瘦矣
哨鹿之說遠史已有之但未詳其法今特志之每歲于白露後三日獵者衣鹿皮戴鹿頭天未明潛伏草中吹木筒作聲牡鹿聞之以為求其偶也遂踴躍而至至則利鏃加焉無得脫者

鹿茸初解角時其長如繭栗蒸而食之嫩如乳酥色白而微紅余陪獵三回僅得一嘗香味兩奇絕世謂江瑤柱食品無對惟此可與相匹

獵場草深沒馬腹山雉最多而肥驚人矣起高飛不能及遠旋復入草中從行者往往下馬徒步取之易如拾蚌蛤每日暮回營人人馬後必帶數尾以供晚食間有飛入帳房中宴坐而獲者重陽以後瘦不中食亦如鹿過秋分則羸時候使然也
飛狐本蝙蝠之類毛深褐色銳頭缺口似兔而長尾之長與身等肉翅如鼈裙四足生翅中前足四爪後足五爪能

飛不踰尋丈 上于必忒舍勒園中親射得之

塞山積雨草中產蜥蜴長四寸許頭以下色如翡翠有紋
勻細如魚鱗尾作泥金色吐氣為雲喀喇火屯一帶
有之土人呼為雲虎

千年老松瘦削之作瓢可貯水一二升許又落葉松根出
菌芝莖紫赤色皆可充几案間物避暑時 上嘗頒賜扈
從文臣余所得二芝一瓢他日可為初白菴中清供也
順風耳西洋巧工所製以銅為管節節相續約長丈餘如
千里鏡之式虛其中口大而末小向空中傳語自上而下
或自下而上相去五六里聲息相聞此器亦從古所未有

殺虎特往往用之

一日 上在行宮出示石子二枚其一黃白色形圓中空
貯水映日則見其一紫色中有水一滴如唾珠隨手轉換
石面上向則珠反下走石下向則珠却上并循環無端疑
即空青之類本產蒙古山中而被不知貴也
塞外有山果名烏沙兒契深紅色味似烏喇柰而微苦核
扁如瓜子其枝大者可為弓幹細者可為箭筈亦材木也
本草不載

戶部西庫中有書五十厨康熙癸未九月杪奉 旨着養
心殿供奉向庫中檢查僅得三吳水利考及蔡忠惠文辨

州集共三種據面奏云此外率殘闕不全吾不敢信也
癸未十月初五日殿試武舉黎明傳旨南書房先後隨
駕翰林少詹陳元龍諭德查昇陳壯履編脩汪士鋐錢名
世庶吉士汪灝查慎行蔣廷錫八人俱着隨往紫光閣看
武舉校射余輩隨赴西苑候駕已刻上乘舟至先率
東宮諸王各射步箭一回然後陞寶座讀卷官自大學士
至少詹共十四員于幄殿東南西向坐余輩八人以次班
坐于後申刻武舉一百人馬射既畢諸臣移坐東向復觀
武舉步射每十人為一朋每人射畢又各試技勇甫三朋
日已下春上率東宮以下又射箭一回乃回宮明日午

後校射始畢選十三人充御前侍衛吾宗三百年來未
有登武榜者是科族叔靜安始冒朱姓成進士余與聲山
名不在讀卷之列蒙恩得坐班與觀亦一門盛事也

每年十一月初一日宮中始燒煖炕設圍爐舊謂之開爐
節十二月二十四日乾清宮廷前設萬壽燈八仙望子四
架二十六日各宮殿門俱挂門神對聯二十八日宮中及
甬道西兩廊俱設五色羊燈此歲例也

壬午十二月二十二日各衙門已封印兩日矣忽有旨
召各省新授督學臣入南書房候考御試題夫子循循
然節制義一篇奉和聖製為考試嘆五律一首午後呈

卷明早復集內廷俱依擬用人 賜御書一幅而出所用
十一人翰林院衙門計十人部曹止一人乃翁蒿年康韶也
自是翰林院官頗為諸曹所忌蓋舊例除北直江南浙江
三省學院而外其餘各有學道多以郎部又外府俸滿進
士出身者充之今一變其局疑有他故其實出自宸斷與
在廷無與也

元旦宮廷內外朝儀五鼓 駕親祭堂子各官俱朝服于
午門外送迎黎明 駕回宮先自奉先殿繼至寧壽宮行
禮畢然後乘輦出 御太和殿受外廷朝賀辰刻後回乾
清宮庭前樂作 上陞寶座垂簾樂再奏宮嬪于 上前

行禮樂三奏簾捲東宮諸王以次行在殿庭行三跪九叩
頭禮樂四奏公主郡主于宮中行禮樂五奏 上御西暖
閣內外諸臣齊集午門內望毓慶宮行兩跪六叩頭禮禮
畢始散班

暢春苑向未有直廬供奉之員皆就近僦居以候不時宣
喚康熙癸未正月余與汪紫滄家聲山三人隨 駕赴苑
上親指小東門內沿牆向西屋五間為祇候之地其秋改
作三層南向而以直南三間為翰林直房後一層為畫苑
自是入直有定所與南書房同
西苑張燈自正月十四夜起至十六夜止癸未上元前二

日有 旨查昇查慎行汪灝自明日為始連日俱至西廠
看放烟火至十四日酉刻內侍一人導余輩三人自小南
門入沿河北行里許經勤政樓下穿細城西渡板橋寬數
百畝壤平如削當樓之正面設燈棚一架高起六丈餘稍
南為不夜城中列黃河九曲燈縛秫秸作坊巷衚衕徑術
迴復往往入而易迷燈之數不知其幾每一燈旁植一旗
五采間錯日初落數千百燈一時先然其北列柵方廣約
五六里散植炬火數百架黃昏 上御樓西向坐先放高
架烟火謂之合子最奇者為千葉蓮花合子既畢人氣尤
靜須臾橋東爆竹殺發藥綫從隔河起飛星一道倒曳有

聲條上條下入列柵中縱橫馳突食頃火光遠近齊著如
蟄雷奮地飛雷掣空此時月色天光俱為烟氣所蔽觀者
神移目炫震撼動搖不能自主移時烟焰盡消而九曲黃
河燈猶熒熒如繁星也內官舞龍燈者至樓前伺候余輩
乃出宮漏下二鼓矣十五十六兩夜皆然其後歲以為例
但取道苑北門不復從南門入矣
進士釋褐例在國子監柏樹下康熙癸未因脩葺太學工
未竣先師先賢牌位俱移度順天府學新進士即于府學
行釋褐禮一甲三人入大成殿分獻余與紫滄分獻兩廡
再行三跪九叩禮然後赴彞倫堂謁大司成行四拜禮畢

登堂就席一甲三人在中間授庶常者在東間餘進士在西間各飲三杯揖司成而退

上留心醫理熟諳藥性嘗諭臣等云聖賢道理俱有一定之論至于醫卜星相言人人殊世間庸醫于寒熱虛實率未能辨南人喜用補北人喜用瀉皆非適中之道大抵溫補之藥其效甚微酷烈之藥其效立見方書所載湯頭甚多若一方可療一病何用屢易西洋有一種樹皮名金雞勒以治瘧疾一服即愈可見用藥只在對症也養心殿送到萬_人唐人絕句一部真南宋前本有洪容齋序紹熙元年刻于越州蓬萊閣初止四十卷既而容齋歸

鄱陽續刻成書遂滿萬首之數每一卷計詩百首共一百零一卷紹熙三年奏進重華宮壽皇稱其精博賜茶一百跨清馥香十貼薰香一十貼金器一百兩邁復上表謝恩前後劄子奏狀俱載卷首至嘉定癸未新安汪綱守越遂揭鄱本并刻之今此本即嘉定中合刻者但檢對目錄現存僅七十五卷缺二十六卷為可惜耳

經筵舊例先五日掌院學士擬進四書二條尚書易經各二條候御筆點定講官始撰講章再經繕清進呈臨時備用甲申春將舉經筵掌院所擬題概置不用經書二條皆出上裁四書子貢問政一節尚書汝二十有二人欽

哉惟時亮天工二句二月二十九日午後方發下是月漢

講官為華亭王大司空吾邑陳正詹詹卒撰擬為期甚迫

三月初二日黎明上御文華殿進講畢賜茶而退經筵

例有筵宴停止自茲始

御前發下白玉引首圖章一枚篆文廣仁殿三字奉

旨考究出處記得金史章宗泰和七年召對羣臣于廣仁

殿又查禁扁目錄金初都燕後移汴宮殿扁額亦載有廣

仁殿之名但初造年月則無可考

唐伯虎相城水村圖畫卷宣紙小副濶纔半尺長六尺餘

水墨濃淡點綴生動楊柳共三十四株江橋村市出沒水

氣中後有王文恪公五言古詩一首伯虎次和最後又有

盧襄次韻一首相城沈石田所居時石田下世文恪與伯

虎往弔舟中作此一時興會所到筆墨之痕俱化平生所

見伯虎畫此為第一甲申五月十五日御前發下裝潢

裱房在西苑直廬之後與王麓臺前輩同觀

皇上精于算學常著三角形論以示內廷諸臣茫然無有

解者一日面示臣等算法先聚米一堆于案上用軟尺量

之圍五尺三寸五分徑一尺七寸高五寸三分積數得四

千。九寸復以堆塚法一百二十五寸除之得三二。

七之數隨用一百二十五寸之銅斗量之不差累黍又頒

示一寸斗一八寸斗一十八寸斗一斛水于中大小隨其所受寸寸而積盈縮不爽 御筆推算法一紙今存家少 詹姪處

嘉量算經三卷律呂正論六卷明鄭世子載堉著其書推原造麻之本大約謂古人以度定量以量定權必參相得而後黃鐘之律可求律與度量衡相須為用非度量衡生于律也因將累黍推定三品並歷代沿革損益著之于篇此書世不多有御府曾見之按鄭世子之父恭王被誣禁高牆世子不敢居內寢築一室王門外席藁以居與王居高牆之年等後恭王薨世子遁之山中讓爵于盟津王之

子見 有子臧季札之風

御園蒲桃凡十種甲申十一月十三日

頒賜南書房諸

臣 御製詩云休誇大宛貴莫笑漢宮傳十種標名異千

條帶葉鮮隨班命內侍分賜到諸賢飽食和心胃歸鞍賦

木天此詩原藁存家聲山學士處十種者一伏地公領孫

二伏地黑蒲桃三伏地瑪瑙四喀密公領孫五哈密瓊瓊

蒲桃六哈密綠蒲桃七哈密紅蒲桃八哈密白蒲桃九哈

蜜黑蒲桃十馬乳

除夕前三日內廷入直諸臣人賜全鹿一隻風羊二隻兔

八隻野雞八隻鹿尾四枚關東大魚八尾黃封酒一壘此

年例也甲申十二月加賜 御書徑尺大福字一幅對聯
一副綠石硯一方歲不為例

內府收藏書畫余在內廷曾經眼見者不計其數今錄其

尤妙者共三十五種以備遺忘絹本小楷曹娥碑後有昌

成三跋又宋高宗跋書澄心紙上又謝端本喬簀趙子昂

鵲華秋色圖卷為宋周草憲作後有董文敏五跋行褚河南

西昇經 樂毅論楷書墨蹟姓名書張擇端清明上河圖卷

子絹本長燕文貴做王摩詰關山雪霽圖卷 郭熙蜀山

積雪圖卷 趙子昂八駿圖卷 右軍黃庭經小楷卷唐人

樞米芾山水卷 陳所翁九龍圖 趙千里後赤壁圖卷

黃荃設色花卉 吳彩鸞細楷唐韻 顧野王草蟲卷

閻立本步輦圖 閻立本洛神賦圖 燕文貴長江萬里

圖卷 劉松年江上雪霽圖 東坡墨竹 虞世南廟堂

碑真蹟 黃公望江山勝覽圖卷 宋僧牧溪果蔬鳥雀

圖卷 錢舜舉白雲紅樹圖 趙千里大禹治水圖卷有首

王穉登八分後有徐熙鈎染花卉翎毛長卷 唐六如水

村圖 管夫人白描大士像 唐陸東之書文賦真蹟

劉松年五百羅漢卷 趙雍畫馬有董其昌跋李龍眠白描五

百羅漢卷 李北海大照寺碑真蹟 周昉美人浣月圖

黃子久秋山雨意圖 後有元人李忠倪瓚二跋

龍蝦產閩廣海中長大餘通身十七節頭似龍有角脚長數寸須上有毛白如玳瑁尾五株皆倒捲韓昌黎詩云人嘗疑龍蝦果誰雄牙鬚乙酉正月初四日在南書房上遣內侍傳示始見之

乙酉八月杪圍場既撤駕自興安嶺一帶巡邊入張家口廿八日駐上都必拉廿九早沿路閱視羣牧先諸王子馬羣次正藍旗次鑲白旗次正白旗其餘各旗牧地稍遠不及趕赴上都必拉至諾海和碩五十里間駝馬牛羊彌望不絕皆數年中賜種孳息者每位諸王下馬駒二千餘匹八旗每一牛录有馬一千二三百足餘畜產稱是三

十日早發諾海和碩先閱鑲黃旗畜牧次閱太僕寺官馬馬駒一萬三千餘匹上沿途緩轡選其駿異者歸上駟院計程七十餘里抵塔班托羅海駐蹕九月初二日自烏蘭腦兒至查木哈免腦兒閱視慶豐司羊羣計二十六萬頭又東宮監牧四萬頭共羊三十萬初三日閱視牛羣約十萬餘是夕駐蹕里渾腦兒初四日閱視上駟院馬駒每羣以毛色為別白者青者黑者紅者黃者紫者雜色者散布山岡望同雲錦為數約二十萬四十里抵昂烏力海巴拉漢典收官員屯聚于此過此六里駐蹕初五日上御慢城南門觀調生馬先賜南書房翰林官馬八疋次賜隨

駕總兵副將各官人各馬一疋初七日至西巴里臺上諭云此間尚有上駟院馬二十一羣向經調習者每年春夏放青九月歸厰今歲因朕巡邊恐馬力疲乏留備更替故不令趕來上又諭云明朝養馬大累民間我太宗時以獨石口至張家口山北一帶水草肥饒指為放牧之地今歷數十餘年孳產蕃息既不累民亦不費官自古馬政之善無如本朝者

自興安打巴漢三十里至渾秦布拉噶五十里都倫那拉又名上都海拉思台四十里庫勒班庫時勒四十里額勒屯色欽六十里博羅活屯上都必拉五十里諾海和什七

十二里塔班托羅海五十里烏蘭腦兒五十里查木哈兒腦兒四十五里托里渾腦兒四十五里昂烏力海巴拉漢五十五里哈木虎布兒哈四十里西巴里台十五里察罕托羅海二十里陀羅寺三十里張家口五里下堡城六十里宣化府十八里泥河十里鷄兒梁響水舖二十里上花園十里下花園雞鳴山十里雞鳴驛十五里新保安二十五里沙城二十里上木驛三十里懷來縣有廣慈寺二十里榆林堡二十五里盆道五里八達嶺三里青龍橋三里石佛寺二里彈琴峽五里居庸北關十五里南關二十五里大頭六十里暢春苑共二十二站計程一千零八

三里

張家口內保安沙城一帶地產沙蓬實如蒺藜中有米如稗子食之益人本草所不載

蓋草一名葦亦名王芻本草云此草綠色可染黃古者貢草入染人故謂之王芻詩經蓋臣取進忠之義當本此

乙酉十月六科缺員奉

旨將翰林院編檢改補初四日

掌院學士啓奏考選日期南書房翰林及日講官俱看一體開列余與張衡臣錢亮功蔣揚孫四人時在直廬奏乞免開職名不願改授言路奉旨俯允初六日召見翰林官廿九員用王懿史中義鄭際泰管灝陳允恭周道新楊

顯張大有李紹周九人蓋向來科道員缺例以庶吉士出館而未授職者挨補今已授職復行改用似以臺垣為編檢陞缺惜此語不敢上奏也此例開自庚辰在本衙門

為疏通之路而編檢品秩稍降矣

會試總裁歷科以來二正二副例用四員丙戌會試止用

李少宰錄予彭少司空會洪二人先奉嚴綸戒飭放榜

後為浮言所中會元尚居易以文體不正黜革殿試榜發

黜落者四人罰科者十一人奉旨將會試總裁及房考

三人交都察院議處俱落職南宮變局也

丙戌四月朔庶常當散館上在西苑考試滿漢庶吉士

三十八人 御賜題存心養性為匪懈論一首賦得人盡
農桑力五言排律十二韻余與錢亮功汪紫滄蔣楊孫四
人先經授職不復與考初六日 命下留館授職者止十
五人其餘再行教習者二十人草職者三人兩掌院俱降
三級留任視癸未又加嚴從來殿試進士以館選為榮極
盛必衰固其理也

每科選館 皇上御保和殿滿漢大學士於煖閣內站班
掌院兩學士立煖閣下西向一甲三人排立掌院後諸進
士以次分班唱名每十人為一班由殿東入跪奏姓名籍
貫及鄉會試名次選館者留殿中與鼎甲挨次立唱名畢

諸大臣各賜茶 上升輦回宮此定例也丙戌四月二十
六日 上不入朝即于西苑淡寧宮舉行此典新進士二
百九十餘名俱從東南奏事門入 欽點庶吉士共四十
八人浙江九人吾季弟潤木與馬先是癸未科余授庶常
時仲弟德尹以編修在殿門坐班今日余在苑門復見季
弟館選兄弟三人八年之中俱備員詞苑不可謂非一門
幸事也

口外草木可當茗飲者有三種一種紅蓼花根蒙古呼為
色都滿洲呼為色爾布一種即落葉松皮一種名奢木子
亦名瓜子兒茶其色紅

口外有一種草長尺餘六月開花似虞美人而重疊淺紫色每本三椹結子如桑椹因名地椹壓其漿熬成膏點湯飲之味極芳甘盛以玻璃杯尤可愛

山莊九處黃甲營地稍窄餘八處多有直廬在行宮三門內東朵殿之後平屋三間西向庭前設松棚以禦暑扈從詞臣每黎明入直一如在西苑也其樺榆溝喀喇火屯上營子三處隨駕大臣皆賜官房為止宿之地大抵皇上清暑六七月之交于三處駐蹕為多故詞臣亦得受廛兩人共住三間紗窗木榻用芪風日過此以往率就草地支帳房與羽林列幕者無別矣

從烏喇哈^帝東行四十五里地名阿赤你巴蒙古謂兩山交會處也又自北而東渡一溪行十里許有柴柵茅屋又東二十里渡西兒哈溝為岳七利台吉營盤所居新剏瓦屋四層環以土牆旁有喇嘛寺亦用瓦蓋上初幸其居後移住慢城岳七利者翁牛特部落貴人也又東北行二十里為坤維大羅又東為巴顏打巴漢上下約二十餘里嶺下即翁牛特部落駐牧之地其地舊名嬰阿今改名巴顏爾贊平壤一區清流貫其中四面山勢環拱如城郭時八公主下嫁于都倫郡王瓦殿六重工部官為營建者丙戌八月初八日上送公主親至其地向來圍場所不到也

從此望西北行五十餘里為溪百冲昂阿又西四十餘里為木克帶道旁有湯泉折而南行十餘里乃折而西又十餘里至汗必力阿打巴漢昂阿去白奎不過三十里矣丙戌九月十四日自獵場回鑿駐波羅火屯內侍李玉傳旨問及每科舉人進士所給水程牌坊銀兩數目余輩回奏云所給銀兩每省數目多寡不一祇就浙江言之新科舉人例給銀四十五兩進士于布政司庫領銀一百兩士子均沾實惠蓋謂上意思被有司侵蝕故有此問也覆奏後復傳旨云旌表節孝止給牌坊銀三十兩此項似覺太多遂下部議自後新中進士着于戶部領銀三

十兩永以為例裁減牌坊銀數自本科始時會場已過俱照舊例給發一百兩仍行文本省如數扣追

韻府羣玉一書元延祐間新吳二陰所集一名時夫字勁絃一名中夫字復春博學而多聞因宋王百祿所增書林事類韻會錢諷回溪史韻等書會粹而附益之洪武正韻初成定為七十六韻洪武八年重刻是書一依新定次序而字下所繫諸事並從陰氏之舊宋景濂有序今世之所傳者又與明初刻本不同

明月錢見洪遵泉志奇品中徐氏曰此錢文曰明月按此錢徑九分重四銖二分製作鏤薄形質簡古外無輪廓背

文明徹舊譜所圖與此小異又不載輕重大小計得其名而未見之也云云壬辰正月余偶從慈仁廟市購得十枚與泉志所載形模適合明月二字俱篆文但不知鑄自何代漢以後又無此年號不可考耳

內西華門外西南一里許明朝御用監在焉又南數十步為真武殿庭前老檜一株下有元時玉酒海承以石沐玉色青碧間以黑章旁刻魚龍海馬出沒波濤狀口面約廣三尺餘隨其質為四凸若荷葉然形製古朴膚理溫潤中容四五石許壬辰正月十九日偕雲間高不騫槎客往觀摩娑久之按元史世祖紀至元二年十二月噴山大玉海

成勅置廣寒殿輟耕錄云廣寒殿在萬歲山頂中有小玉殿內設御榻左右列侍臣坐牀前架黑玉酒甕一車駕歲巡上都先宴于此燕都遊覽志云今御用監中有小亭亭內一玉缸體質頗潤中積水外以朱欄護之即廣寒殿中物也

己巳十一月十日与 彦老夜话于
成德堂出晤渠本秘籍籍此在
手铃者借帛法玉漏下四鼓而竟
因书于卷尾以记我两人痴兴



同治己巳七月從 悔翁族人假得是書二十有七日臨
葉調生明經之喪歸錄畢





